

‘Saya tak pernah jemu didik anak bangsa’

HARIAN METRO (SETEMPAH) 9 JULAI 2015 M/S 50

Kuantan: “Biarpun sudah mengajar selama 35 tahun, saya tidak pernah jemu untuk mencurahkan bakti dalam mendidik anak bangsa supaya mereka berjaya dalam kehidupan masing-masing.

“Kejayaan mereka menyebabkan saya masih bersemangat untuk terus bekerja,” kata Profesor Madya Dr Mohd Ghani Awang, 59, penerima Anugerah Perkhidmatan Cemerlang (APC) Universiti Malaysia Pahang (UMP), di sini, kelmarin.

Mohd Ghani yang juga pensyarah di Fakulti Pengurusan Industri (FIM) di UMP berkata, anugerah itu kali ketiga diterima sejak menyertai universiti itu pada 2005.

“Terima kasih atas penghargaan ini,” katanya selepas menerima anugerah itu pada Majlis Hari Kualiti dan Inovasi UMP, di sini, semalam.

Anugerah disampaikan



DR Daing (dua dari kiri) menyampaikan Anugerah Perkhidmatan Cemerlang kepada Dr Mohd Ghani di Dewan Astaka, UMP.

Naib Canselor UMP Prof Datuk Dr Daing Nasir Ibrahim.

Mohd Ghani berkata, sebagai pensyarah, beliau perlu memastikan komunikasi berkesan dengan pelajar bagi memahami keperluan mereka, sekali gus mewujudkan suasana pembelajaran

yang kondusif.

Pada masa sama, beliau berkata, terlalu banyak kenangan sepanjang bergelar pensyarah di universiti berkenaan.

“Banyak kenangan yang dilalui... antaranya saya pernah didukung oleh pelajar ke klinik kerana diserang sakit

jantung secara tiba-tiba ketika mengajar di dalam kelas.

“Hanya Allah yang tahu apa yang boleh berlaku jika pelajar tidak membantu saya ketika itu. Saya terhutang budi dengan pertolongan mereka sehingga hari ini,” katanya.